

Ehuhuo-Ozi Nke Ebuo Polu Dejenni

Ndi Kọrẹnti

Ndi Kọrẹnti, Nke Ebuo

¹ Mmẹ wu Polu de Ekukwo-ozini. M wu onye-ozu pu-ichen nke Kraisti wu Jizosi ghahani uche Osolobue. Mmẹ le Timoti nwene enyi gba de e. Ndi uka Osolobue ri ali Kọrẹnti ke enyi ri e dejenni Ehuhuo-ozini, uwe le ndi nso ile hun we ile gba ri Azuun Akaya*.

² Efoma le udon hun gha eka Osolobue Nedi enyi le Dinweni-enyi wu Jizos' Kraisti bia ya rini unu.

Polu E Ye Osolobue Ekele

³ Ojja-mma ya rini Osolobue hun wu Osolobue le Nedi Dinwenni-enyi wu Jizos' Kraisti. Nedi omiken k'o wu, Osolobue hun nkasi-obi ile gha eka a a bia. ⁴ Iya wu onye a kasi enyi obi ime nsongbu enyi ile, keni enyi saeka e gi nkasi-obi hun Osolobue ye enyi nwen a kasi ndi ozo ri ime nsongbu owule obi. ⁵ Makeni, ke enyi don a ta oken afunfun make ifiri Kraisti, erira ke Osolobue donzikwo a kasi enyi obi oda-oda ghahani Kraisti.

⁶ Omeni nsongbu ri a biani enyi, o hu a biani enyi keni we gi e kasi onu obi, keni unu gizikwo a nwe nzuopuha; omeni we ri a kasi enyi obi, we ri e gi e kasi unu obi ebe unu no e wetu obi ali e dingbu udi afunfun ohu hu enyi ri a ta. ⁷ Ya wu, olil'anya enyi nwon banyeni unu turukwem. Makeni, enyi a maringho ni ke unu don e son enyi a ta afunfun ke unu donzi e son enyi a narin nkasi-obi.

⁸ Umune m, enyi cho ni unu marin ni enyi ta oken afunfun ke enyi ri Azuun Eshia: we songbu enyi oda-oda,

* Isi Nke Ohu:1 Akaya le Grisi e d'e me ihien ohu.

karide hụn ẹnị le enwẹn ẹnị saeka din—nke wu ni ẹnị erozini ni ẹnị k'a hụn isi. ⁹ Ezie, o te ri ẹnị ke si a maguọ we ẹnị ikpe-ónwun. Kani, onwan me keni ẹnị gi Osolobue don ẹnị, Osolobue hụn e weli ndi nwunni—hụn nke ẹnị e gi gi enwẹn ẹnị don ẹnị.

¹⁰ Iya gbapuha ẹnị ime eje-onodi hu te k'e gbuni ẹnị. O k'a ri a gbapuha ẹnị. Iya ke ẹnị ri e lee ẹnị n'o k'a gbafuhazi ẹnị— ¹¹ unu gha e son ndi ozo e gi ekpere e yeni ẹnị aka, keni ndi bu oda hụn uzọ gi ufiri ẹnị a kpanmịn Osolobue, make ihien ri mma o gi efoma meni ẹnị ghahani ekpere ndi bu oda me.

Ihien Hain Polu Gizileni Jen Korinti

¹² Ihien ẹnị gi a nyan isi wu onwan: ni obi ẹnị ri a shiani ẹnị eri ni ẹnị gi obi ri ochan le ezioku Osolobue bi obibi ẹnị ime uwa, tumadu egbata ẹnị le unu; ni ẹnị egin amamihiẹn uwa bi, kani eyemeka Osolobue.

¹³ Make ni, ẹnị ara deni unu ihien owule kari hụn unu a gun, o ni unu ghota; kani m ri e lee ẹnị ni unu k'a ghotachanrin ẹnị, ¹⁴ ke unu don nwan ghota ẹnị ekere. Eghe, unu a ghota guo ni unu k'a saeka gi ẹnị nyan isi Uhuohin Nna ẹnị wu Jizosi k'a bia—noke ke ẹnị nwen k'a don saeka gizikwo unu nyan isi.

¹⁵ Make ni onwan we m ẹnị hain m te gi kwademe ni m k'a biaguzi d'a hụn unu, keni o wuru ni unu ngozi mgbe ebuo. ¹⁶ M te cho ni m bia d'a hụn unu m jenkonị Masedonia le m kinkozini, mme le unu nodiguu, unu e yeni m aka m jenkonị Judia.

¹⁷ Ogen m gi tu iroroni, m ri eroshi-azuunni, eroshi-azuunni? Ra m'a tu iroro ke ndi uwa hụn a si, “eghe, eghe” le “mba, mba” mgbe ohu? ¹⁸ Kaka! Ebe o me ezie ni Osolobue wu onye-ezioku, oku ẹnị a gwa unu e metuni “eghe le mba” nke onye e ku ebuo. ¹⁹ Make ni Nwa

Osolobue wu Jesu Kristi, hun mme le Sivanosi, hun w'a kpozị Sailasi, le Timoti zi unu ozi e, ele onye a si "eghe," a si "Mba;" kama, ihien ri ime e ogen ile wu "eghe." ²⁰ Makeni, ime e ke nkwa Osolobue ile no e mezuchanrin, a wu "eghe." Ya hain enyi gi a si "Isee" ghahani iya wu Jesu Kristi, e gi e ye Osolobue ogho. ²¹ Osolobue le enwen e wu onye hun e me enyi le unu e turukenme ime Kraisti; iya tume enyi, ²² ye enyi ahima a ghahani iwe Mmon-nso a che ime obi enyi, gi e henrin mbiye ihien ile o k'e meni enyi.

²³ Kani, m ri a kpoke Osolobue n'ọ shiagbu m eri omeni ele ezioku ke m ri e ku ni ihien hain m gileni bazi Kọrẹnti wu ni a choni m ni m bia a jughoma m unu. ²⁴ Ari m e gi e e ku ni enyi nwe e ku ihien unu gi okukwe unu e me. Ele 'ya —ihien rin'a wu ni enyi le unu gba a run keni unu nwehen ighoghọ hun k'a biani unu makeni unu turu ohunma ime okukwe unu.

Isi Nke Ebuo

¹ Ya ke m gi kwademe obi m ni abiakozị m ijen k'e buheni unu ufu. ² Makeni, m me unu ihien ufu, onye k'a gbazi m nwan ume? Ele ndi hun m meguu ihien ufu? ³ M de ni onu ehuhuo-ozu hu m de, amamgbe m'a bia, unu nwen, hun nke e me m ghoghọ, e me m ihien k'a fu ni m. Makeni, a maringho m onu ile ohunma-ohunma, ni, m ghoghoma, unu ile k'a ghoghoma. ⁴ Ekwan le obi ri a gbawani m ke m gi de ya wu ekukwo-ozu. E deni m'e n'ọ fu unu, kani m de e ni unu marin ni unu ri m obi oda-oda.

Gbaghari Ni Nwan Onye Ahun Me Njo

⁵ Omeni o nwon onye me ihien ufu, ele mme suo k'o me e, kani o nwongho k'o gi me ezioku ni unu ile k'o me e. M si ni "o nwegho k'o don me ezioku" makeni achoni m ni m benyeni oku. ⁶ Udi afunfunni ndi ka oda buche eka ye

2 Ndi Kọrẹnti Isi Nke Ebuo:742 Ndi Kọrẹnti Isi Nke Ebuo:17

onye no enina e higuo. ⁷ Gbaghari n'a nwan, unu a roko a obi, amangbe o sukurughafe oken, ndun okukwe a guu a. ⁸ Ya wu, dodo, o ri eka unu, ghosizi n'a n'o ri unu obi.

⁹ Lee ni ihien hain m gi de ya wu ehuhuo-ozi: m de e ni m gi e lele onu, gizi e marin ke onu k'e mecharin ihien ile m si unu me.

¹⁰ Onye owule unu gbaghari, a gbaghari m'a. Ihien m gbaghari—omeni o nwoghọ ihien m gbaghari—m gbaghari make ufiri unu id'anya Kraisti, ¹¹ keni enyi gi e gbondon Ekwensu, amangbe o tunarin enyi ihien ri mma—makeni enyi a maringho ero e.

Nwene i?

¹² Ogen m gi ru ali Trasi d'e zi ozioma Kraisti, m no hun ni Di-nwonni-enyi a kpopuguo uzọ m'e gi run'a orun ebegu. ¹³ Kani, obi eruni m ali, makeni ahunni m Taitosi wu nwene m ime Kraisti ebegu. Ya m no si we nodi ohunma, m no jenne Masedonia.

Imeri Ghahani Kraisti

¹⁴ Kani ekele ya rini Osolobue—makeni, Osolobue hu e yesonme enyi mmeri ogen ile ghahani onye-mmeri ahun wu Kraisti—rike ndi ri e sonhunme onye-mmeri, e gi enyi e zisonme ozi Kraisti ebe owule enyi jen, noke ishin-oma ri e kungbamani. ¹⁵ Makeni, ebe Osolobue ri, ishin Kraisti ke enyi wu—ke ebe ndi ri e nwon nzuopuha ri ke ebe ndi lako iwi ri. ¹⁶ Ebe ndi ahun lako iwi ri, enyi ri e shin ishin hun e gbuni; ebe ndi we ri a zuopuha ri, enyi ri e shin ishin hun e ye ndun. Onye k'a sa nwan eka me ihien ndini? ¹⁷ Enyi anoni ke ndi bu oda hun e ghoru oku Osolobue leke si ibu-afia ro; kama, rike ndi ri ime Kraisti, enyi e ku oku-Chuku rike ndi-ezioku le ndi Osolobue zi, rike ndi ri id'anya Osolobue e ku.

Isi Nke Eto

Ndi-orun Nkwerigbama Ohunni

¹ Ẹnyi a jamazide nwan enwen ẹnyi mma ra? Ẹnyi ride nwan ndi ahun a cho onye e deye we ehuhuo biani unu keni unu kweri nabanhan we ra? Ẹnyi ride nwan ndi ahun a cho ni unu deye we ehuhuo we e gi nabanhan we ra?

² Mba! Unu le enwen unu wu ehuhuo-ozu ẹnyi, hun we deye ime obi ẹnyi, hun ihian ile marin le hun ihian ile a gun. ³ Ihien we a hun ebe unu ri a gho si ni unu wu ehuhuo-ozu Kraisti de, hun o gha aka ẹnyi zihe. Ele hun we gi peni de, kani hun we de ghahani Mmon-nsọ Osolobue—Osolobue hun ri ndun; ele hun we deye ibe omuma—rike Iwu mbu ahun, kani hun we deye ime obi ihian.

⁴ Eri ra ke obi ruhan ẹnyi ali ebe Osolobue ri ghahani Kraisti. ⁵ Eleni ẹnyi le enwen ẹnyi nwe iken me ihien owule hun ẹnyi e gi si ni o nwon ihien gha aka ẹnyi a bia. Osolobue ya e me ẹnyi gi e nwon iken e me ihien owule ẹnyi e me. ⁶ Osolobue ya me ẹnyi gi saeka wuru ndi-orun hun ma run orun ime nkwerigbama ohunni. Nkwerigbama ohunni ele nke Iwu we de ede, kani nke ime-mmon. Makeni hun we de e gbu egbu, kani Mmon-nsọ e ye ndun.

Nkwerigbama Akan Le Nke Ohun

⁷ O me nwan ni ofufe mbu hu gi ogho bia, ofufe hun e gbuni, hun we kayesonme ihien rin'a elu omuma, nke wu ni ndi Izrel' asani aka lee Mozizi ẹnya ihun makeni ogho ri n'a ri e gbuke—oghọ hun fapukoni— ⁸ ogho ofufe hunni we gha aka Mmon-nsọ e fe akariko a nwan, kari a ohunma-ohunma?

⁹ Omeni ofufe hu hun we gha a ma ihian ikpe e nwongho ogho, ya wu ni ofufe hunni, hun we gi a kpọ ihian onye ri ochan k'a ka a ogho e nwon, ka a ohunma-ohunma!

2 Ndi Kọrẹnti Isi Nke Ẹto:10 6 2 Ndi Kọrẹnti Isi Nke Ẹno:2

¹⁰ Ezioku rì n'a wu nì ihien hùn te nwọn ogho mbu enwónzi nwan ogho, kaka—makèni hùn ka ogho e nwọn e kpumeguo a.

¹¹ O me nwan nì nkwerigbama mbu hu le ofufe rin'a, hùn we buguu nwan che usuo, gi ogho bia, ya wuni nke ohunni hùn k'a to jerrin ejen ka a ogho e nwọn ohunma-ohunma!

¹² Ebe o me nwan nì enyi nwọn udi olile-enyani, enyi e ku, ekushi iken. ¹³ Enyi anoni ke Mozizi hùn gi ekwa kpume ihun, amangbe ndi Izrel' a hùn ebe ogho ahun ri e gbukeni no fapuchanrin. ¹⁴ Ezie, we kpume nghota we ogen hu. D'e rukwo nwan tanni, we gha a gun mobu e gon ntin ke we ri a gun Ehuho-nkwerigbama akan hu, ekwa hu huzikwo ebegu—makèni ime Kraisti suo ke we no e wepu ya wu ekwa. ¹⁵ Ezie, ezie, d'e rukwo nwan tanni, ogen owule we gi a gun Iwu Mozizi, ekwa hu e kpumechanrin uche we. ¹⁶ Kani, ihian buruhe Di-nwonnienyi, o wepu a ekwa hu kpume uche e ¹⁷ “Di-nwonnienyi” ahun we ri e ku oku e wu Mmon-nso: ebe owule Mmon Di-nwonnienyi ri, ebegu ke ihian no e weri enwen e. ¹⁸ Enyi ile, hùn we kpupuguu ekwa hu ihun, ri nwan e legha ogho Di-nwonnienyi noker onyinyon ri ime ughegbe; we hu e nwonhuto enyi ni enyi hùn uzọ ri ke ihien ahun enyi ri e legha, e nwe ogho hu, e nweyaye e. Ihienni gha eka Di-nwonnienyi, hùn wu Mmon-nso, a bia.

Isi Nke Ẹno

Ndi-ozì Nke Ukpe

¹ Ya wu, ebe o me nwan nì Osolobue e meguni enyi omiken ye enyi orunni, ndun ara gu enyi. ² Enyi a juguo ihien-ifenren ndi hu ihian e zueme, juzikwo ime-ero le itu-ntu ye ime oku Osolobue. Eghe! Kama, enyi hu e

2 Ndi Kọrẹnti Isi Nke Ẹnọ:3 7 2 Ndi Kọrẹnti Isi Nke Ẹnọ:14

kuchanrìn ezioku k'ọ nọ, e gi ẹ e wẹpụha enwẹn ẹnyi a ghọsị ihian ile idenya Osolobue, keni ndi ile e ku ezioku hun ụzọ e lele ke ẹnyi nọ.

³ Omeni echẹn ke ozioma ẹnyi ri e zi zueri, ndi ri a la iwi sụọ k'o zuerini. ⁴ Nke we wu ni mmon hun ri a ki ụwanị e kenkinguọ uwe ndi kwerileni ẹnya, amamgbe w'e legha ukpe ozioma ogho Kraisti; Kraisti, hun o me ni onye hunn'a a hunguọ Osolobue. ⁵ Makeni ele ozi enwẹn ẹnyi ke ẹnyi ri e zi; ẹnyi ri e zi ozi ni Jizos' wu Kraisti wu Dinwonni-ẹnyi, ni ẹnyi le enwẹn ẹnyi wu idibo unu make ifiri Jizosi. ⁶ Makeni Osolobue ohu hu hun si, "Ukpe ya nwunme ebe ishi ri" ya nwun nwan ime obi ẹnyi hun ẹnyi gi nwe iken legha ogho Osolobue ihun Kraisti.

Ihiẹn Ri Mkpa W'e Buche Ime Ihiẹn E Tikponi

⁷ Kani Osolobue buche orun oziomani ri oken mkpa ime ẹnyi—ẹnyi hun wu ite-ayogbe hun e tikponi, keni o we ẹnya ni ikenni pu-ichẹn ẹnyi gi a run a wu nke Osolobue—n'ọ ghanị aka ẹnyi bia. ⁸ W'e songbu ẹnyi uzọ ile, kani asani we aka biangbu ẹnyi; ihiẹn ndi hun a gba ẹnyi nghari-ẹnya hu a, kani ndun ara guu ẹnyi; ⁹ we e kpokposonme ẹnyi, kani Osolobue a junị ẹnyi to; w'a kutu ẹnyi, kani ẹnyi ara nwun. ¹⁰ Ihiẹn ehụ ẹnyi a hun ogen ile e me ihian a hun onwun Jesu nwun, keni, ihian gha a hun ni ẹnyi hukwo ndun, e gi w'e marin ni Jesu ri ndun. ¹¹ Makeni, hunni ẹnyi ri ndun, ihiẹn onwun gi a kpo ẹnyi ihun a bia ni ẹnyi ogen ile make ufiri Jizosi, keni ihian gi ehụ ẹnyini hun a nwunhunni a hun ni Jizosi ri ndun. ¹² Ya wu ni onwun ri orun ehụ ẹnyi, kani, ndun k'ọ ri a runfuha ime unu.

¹³ Kani ebe o me ni ẹnyi nwon agungun okukwe ohu ahun we ku oku e ime Ekukwo-nsọ, si, "M kweri ekweri, ya hain m gi ku ihiẹn m ku," ẹnyi nwen kwerizikwo ekweri, ya hain ẹnyi gi ri e ku oku-Chuku ẹnyi ri e ku. ¹⁴ Makeni, ẹnyi

2 Ndi Koręnti Isi Nke Ẽnọ:15 8 2 Ndi Koręnti Isi Nke Isen:6

a maringhọ ni Osolobue hụn gha onwun weli Nna ẹni wu Jesu jenko d'e welizikwo ẹni k'o don weli Jesu, webanhan ẹni le unu ebe 'ya le enwen e ri.

¹⁵ Ezie-eze, ihienni ile wu n'o rini unu mma, keni ndi efoma Osolobue ri e ru aka hun uzọ e buwaye oda, ekele ri a biani Osolobue a bawaye uba.

Igi Okukwe E Bi

¹⁶ Ya wu, ndun aguko ẹni. Oson'a ni ehụ ẹni ri a kpo nkun, ẹni hu e nwonwaye ndun ohun ime-mmom uhuohin-uhuohin. ¹⁷ Makeni, ekere afunfunni ẹni ri a ta ogeni, hun ghaleni e bie, ri nwan a kwademe ẹni a toni ogho itebite hun we ghaleni a saeka e ku ke o han.

¹⁸ Eghee, makeni ẹni ari e lee ihien ẹnya e legha, kani ihien ẹnya ghaleni e legha; makeni ihien ẹnya e legha k'a ghari, kani ihien ẹnya ghaleni e legha k'a to jennin ejen.

Isi Nke Isen

¹ Makeni ẹni a maringhọ ni omeni e tikpo we ehụ enyini, oduni ẹni bi ime e ime uwanj, ẹni e nwongho ulo hun Osolobue tun, hun we gileni aka tun, hun ri elu-igwee, ulo hun k'a to jennin ejen. ² Ime oduni ẹni ri kikenni, ẹni hu a sun-uden, o hu a gun ẹni oda-oda ni we yime ẹni ehụ ẹni hu—ulo ẹni hu, hun ri elu-igwee— ³ hun o me nwan ni ẹni yiriguu a, ẹni e meko ndi gba oto. ⁴ Makeni, hunni ẹni rikwo ime oduni, ime ehuni, ẹni hu a sun uden makeni ibu ri a nyin ẹni. Eleni ẹni cho ni ẹni gba oto, kani, ẹni cho ni we yimezi ẹni hun-ebọ ahun, keni ndun luefu hun a nwunni—weri onodi a. ⁵ Onye hun kwademe ẹni toni onwonhutoni wu Osolobue. O yeguọ ẹni Mmon-nsọ nọke mbiye, gi ghoji n'o k'e me e.

⁶ Ya wu, obi e ru ẹni ali ogen ile, oson'a ni ẹni a maringhọ ni omeni ẹni ri ime uloni wu ehụ ẹni, ẹni ari

ebe Di-nwọnni-ẹnyi rị, ⁷ makẹni ihien ẹnyi kweri banyeni Kraistị kẹ ẹnyi gi e bi obibi, ẹlẹ ihien ẹnya ẹnyi rị e legha. ⁸ Ẹghẹẹ, obi e ru ẹnyi alị, nke wu ni ọ kadẹ ẹnyi mma ni ẹnyi gha ime ẹhunị pu, laburu Di-nwọnni-ẹnyi d'a nọdị ulọ ẹnyi hun rị ebe ọ rị. ⁹ Ifiri ẹ, ẹnyi a lịlima ni ẹnyi e me ihien a sụọ a usụọ ẹfọ oge ile—kẹ ẹnyi rị ndun ime ẹhunị wu ulọ ẹnyi kẹ ẹnyi arị. ¹⁰ Makẹni ẹnyi ile k'a pụha ihun Oche-okink'ikpe Kraistị n'o kin ẹnyi ikpe, keni onye-onye hun uzọ narin ugwo-orun ihien ọ run k'ọ rị ime ẹhunị—kẹ mma kẹ njọ.

Orun Iwekinhen Ihian Ebe Osolobue Ri

¹¹ Makẹni ẹnyi a tu egun Di-nwọnni-ẹnyi, ya hain ẹnyi gi a lịlima ni ẹnyi me ndi ozọ kweri; kanị Osolobue a maringho ẹnyi le enwen ẹnyi ohunma-ohunma; e gigho m'a don ni unu nwen a maringhozikwo ẹnyi ime obi onu.

¹² Ẹlekwo ni ẹnyi rizi a gwa onu ni ẹnyi a rika mma! Mba. Ẹnyi rị e ye onu ihien k'e me onu gi ẹnyi nyan isi, keni unu saeka za ndi gi ihien ẹnya e legha a nyan isi hun nke we gi ihien rị ihian obi nyan isi.

¹³ Makẹni, omeni ẹnyi e me kẹ ndi uche we zulenị, ifiri Osolobue ro; omeni ẹnyi e me kẹ ndi uche we zu, ifiri unu ro. ¹⁴ Ihien-osusuo Kraistị nwe jenni ihian ya rị e nu ẹnyi, makẹni o wegwo ẹnyi ẹnya ni, ebe o me ni onye ohu a nwunguonị ihian ile onwun, ya wu ni ihian ile a nwungwo. ¹⁵ Ọ nwunni ihian ile onwun, amamgbe ndi rị ndun gha e bizini enwen we, kama, ni we e bini onye hu gi ifiri we nwunhun, Osolobue e gi ifiri we weli ẹ.

¹⁶ Ẹnyi arizi nwan e gi ẹnya-ihian e lee ihian. Ọ sụn'a ni ẹnyi te gi ẹnya-ihian e lee Kraistị mbu, ẹnyi ara gizi ẹ e lee ẹ. ¹⁷ Ya wu, onye owule rị ime Kraistị a wuruole onye we kedonzi; ihien akan a gharigwo, lee ẹ, ihien ile e henringwo nke ohun!

2 Ndi Kọrẹnti Isi Nke Isen:18102 Ndi Kọrẹnti Isi Nke Isin:7

¹⁸ Ihienni ile gha ẹka Osolobue ẹja, onye hun donzi ẹgbata ẹnyi le ịya, wekinhen ẹnyi ebe o ri ghahani Kraisti; o no nwan ye ẹnyi orun iwekinhen ndi ozo ebe o ri. ¹⁹ Ya wu ni Osolobue ri ime Kraisti, e donzi ẹgbata ya le ndi uwa; ara gizi njo we son we. O weguo nwan ozi ya wu idonzi-ẹgbata che ẹnyi ẹka zisonme. ²⁰ Ya wu ni ndi-ozu Kraisti ke ẹnyi wu, Osolobue gi ẹnyi e ku onu a; ẹnyi gi nwan efan Kraist' e ku: dodo, o ri ẹka unu, "Kihen ni d'e kunrun Osolobue!" ²¹ Osolobue gi ifiri ẹnyi gi Kraisti hun meleni njo owule henrin onye me njo, keni ẹnyi hun uzọ henrin ndi ri ochan.

Isi Nke Isin

¹ Noke ndi we le Osolobue gba a run, ẹnyi ri nwan a gwa unu oku: dodo, o ri ẹka unu, anile ni efoma Osolobue hun unu nabanhanguu la iwi. ² Makeni Osolobue si, "Hun o gihu ru ogen furu ni, m no nu olu unu; o ru uhuhin nzuopuha, m no yeni unu ẹka."

Lee n'e, kikenni wu ogen hu furuni! Tanni wu uhuhin nzuopuha!

³ Ẹnyi ari e me onye owule uke, amamgbe ihian a hun ihien w'e gi koriani orun ẹnyi ri a run ni Osolobue. ⁴ Mba. Kama, ime ihien ile, ẹnyi a ghosichanrin ni ẹnyi wu ndi-orun Osolobue: ghahani idin oken ndidi—ime nsongbu, ime afunfun le ebe o no ri ke si ihien ile e wiwichanringuo ni ẹnyi; ⁵ we hu e gbu ẹnyi ili, e gbu ẹnyi mkpinsin; w'e bu ẹnyi e che ime ulo-ngan, w'a kpu ẹnyi e gbu; ẹnyi a run oken-orun, e chu-uran, e bu egun. ⁶ Ozozu, ẹnyi hu e donme obi ẹnyi ochan, e nwe amamihien, e nwe ndidi, a ri nso ime-mmom, e nwe efoma, e nwe ihien-osusuo ibe ẹnyi hun gha akpakali-obi fuha. ⁷ Ozozu, ẹnyi e ku ezioku,

2 Ndi Kọrẹnti Isi Nke Isin:8112 Ndi Kọrẹnti Isi Nke Isin:17

enyi a ghosị ikẹn Osolobue, ihien-ogun Osolobue cho sọọ ke enyi gi a lu, iya sọọ ri enyi eka-nni, ri enyi eka-ekpen. ⁸ We hu a gbaye enyi, e legberizikwo enyi; w'e ku oku enyi ohunma, e kujazikwo oku enyi; w'e me enyi ke si enyi ele ihien enyi si ni iya ke enyi wu; kanj iya ke enyi wu. ⁹ Enyi no ke ndi we marinleni, kanj a maringwo we enyi; enyi no ke ndi ri a nwunni, ka lee n'e nwan, enyi hu ndun! W'e ye enyi afunfun, kanj enyi anwunni. ¹⁰ Ihien ekwan e mesonme enyi, kanj, enyi a ghoghoghen ile; enyi no ke ndi igbenye, kanj enyi e me ndi bu oda a wuru idafin; enyi no ke ndi nwonleni ihien owule, kanj ihien ile wu nke enyi.

¹¹ Enyi a shiapugwo ni onu ndi Kọrẹnti efo! Unu a hunchanringwo k'ọ ri enyi obi. ¹² Enyi arị e zuemeni unu efo—kanj unu e zueme nke unu. ¹³ M ri nwan a riọ unu noke umu m: me ni ni m ke m don meni unu: shiapuchanrin ni nwan efo.

Donme Ni Ulo-nso Osolobue Nso

¹⁴ Anile ni we kpagbama unu le ndi kwerileni ntutu ohu. Elee mmeko ke ezi-omume le eje-obibi nwede? Elee mmeko ke ukpe le ishi nwede? ¹⁵ Elee oghen ke Kraisti le Ekwensu gide kwerigbamama? Kijiri ride egbata onye kwerini le onye kwerileni? ¹⁶ Elee oghen ke Ulo-nso Osolobue le mmon gide nweme mmeko?

Enyi wu Ulo-nso Osolobue, Chuku hu ri ndun—noke ke Osolobue don ku e, si,

“ ‘M k'e biri ime ndun we,
e jenhunme ime igunrun we.

M k'a wuru Chuku we,
a wuru we ndi nke m.' ”

¹⁷ “Di-nwonni-enyi si,
gha ni nwan ime igunrun we puha,
unu a nodi azun ichen;

2 Ndi Kọrẹnti Isi Nke Isin:18 12 2 Ndi Kọrẹnti Isi Nke Ẹsa:8

emetukwọlẹ ni ihien ọwulẹ ru unyin ẹka:
ogẹn ahun kẹ m'e gi nabanhan unu;
¹⁸ a wuru m nedi onu,
onu a wuru umu-m-ikennyẹ lẹ umu-m-ikpoho,
Iya kẹ Di-nwonni-enyi Hun-nwon-iken-ile ku.”

Isi Nke Ẹsa

¹ Ndi ri m obi, ebe o me nwan n'o kwesonmeguo enyi nkwa ndini we, ni enyi chanchan nwan enwen enyi, chanpu ihien owule hun e meru ehun le ime-mmom, e gi egun Osolobue a hun a ni enyi richanrin nso.

Nke We Ke Polu Ri E Ro

² Nabanhan ni enyi ime obi onu; o nwonni onye enyi me eje-ihien; o nwonni onye enyi wiwi; o nwonni onye enyi tunarin ihien e. ³ Ari m e ku onwan ni m gi ma unu ikpe, makeni e kuole m'a mbu ni unu ri enyi obi—nke wu ni enyi k'a saeka son unu nwun, enyi k'a sazikwo eka son unu ri ndun. ⁴ M'e gi unu a nyan isi oda-oda; m'e gi unu a dukemẹ eka obi; unu a gba m umẹ oda-oda; ime nsongbu enyi ile, m'e gi ifiri unu e nwe ighoghọ oda-oda.

⁵ Makeni, ke ogẹn enyi gi rude Masedonia, ehun enyi e ezuni iken kaka; we kpokpo enyi azun ile—oku-le-uka fihunme enyi, egun hu a tu enyi ime obi enyi. ⁶ Kani Osolobue, hun a kasi ndi ndun guchanrin obi no gi obibia Taitosi kasi enyi obi. ⁷ Eledẹ obibia a sọ kasi enyi obi, kani, nkasi-obi hun ya le enwen e nwe make ihien o hun ebe unu ri, kasizi enyi obi. Makeni, o gwaghọ enyi ke m don ri a da unu! Ke eje-ihien hu meni don wute unu! Ke m rihan unu obi! Ya ke m no ghoghokenme.

⁸ Ifiri e, osun'a ni ihien m de ime ehuhuo-ozu ahun a fugho unu, akwanzini m mmani—(kani e te kwangho m, makeni m hun a ni e gigo m ya wu ehuhuo m de me

unu ihien ufu—osuoŋ'a ekere ogen suo ro.) ⁹ M ri nwan a ghoghō. Ari m a ghoghō n'ō fughō unu, kani, n'ō fughō unu hun unu gi roghari—ya wu ni unu a nighō a fu unu udi hun Osolobue cho. Ya wu ni enyi a runi unu ehū owule, kaka. ¹⁰ Makeni ihien futu ihian ke Osolobue don cho, o me ihian gbewoto obi, bihuto eka, o wehe nzuopuha. Mmani ara ri a! Kani ihien futu ihian ke o don a fu ndi uwa, o buhe onwun. ¹¹ Unu ahunni nwan ke ime ihien ri mma ri a du unu makeni ihienni fu unu ke Osolobue don cho?! Unu ahunni nwan k'ō rihan unu mkpa ighosi ni enya unu eruni ihien meni! Lee k'ō ri e zehan unu ize! Lee k'ō tuhan unu enya! Lee ke m ri a dahan unu! Lee oken adudu o buhe! Lee afunfun unu ye onye hun mewieni! Unu a ghosichanringuo ni eka unu a ri ihien meni.

¹² Ya wu, osuoŋ'a ni m de ni unu ehuhuo hu, ele ifiri onye me eje-ihien mobu onye we meja ke m gi de e. Kama, m de e n'ō we unu enya id'enya Osolobue ni enyi ri unu obi nke-esi. ¹³ Onwan a kasiguo enyi obi.

Eledē obi suo k'ō kasi enyi; kama, ighoghō Taitosi mede enyi ghoghokenme, makeni, unu ile e meguo nwan obi ru e ali! ¹⁴ Eghee, unu anini ifenren isi m gi unu nyan ebe o ri me m. Isi enyi nyan ebe Taitosi ri e me nwan ezioku noko ke ihien ile enyi gwa unu mbu don wuru ezioku. ¹⁵ Ifiri e, ihien unu ri nwan a suokenme e—o gha a nyanhan ke unu ile don hume isi, a nyanhanzi egun le ehū-omuman-ni unu gi nabanhan a. ¹⁶ M ri nwan a ghoghō—makeni m gichanrin unu don enya.

Isi Nke Ɛsato

Kē Ndị Uka Dōn E Ye

¹ Umune, enyi cho nwan ni unu marin efoma Osolobue me ni uka risonme Azun Masedonia: ² osuoŋ'a ni we ri ime oken nsongbu, cheni igbenye-mgbeleke we wu,

okẹn ighoghọ wẹ nwe ime Di-nwonni-enyi anini onodi wẹ gbondon wẹ, wẹ no ye, ye oda-oda! ³ Mmẹ ri a shiani wẹ eri ni wẹ wefuha obi ye ke wẹ nwonhan, yekaride ke wẹ nwonhan! ⁴ Wẹ riokenme enyi, enyi dodo me ohunma bu wẹ cheni ndi ri a tu ihienni wẹ ri a tunni ndi nke Osolobue; ⁵ kanj, wẹ yekaride ke enyi tu enya a: e buguu wẹ uzọ we enwen wẹ ye Di-nwonni-enyi, ya wẹ no nwan gi ifiri uche Osolobue we enwen wẹ ye enyi.

⁶ Ya hain nwan enyi gi si Taitosi, hun bidon orun-eyemekani, ya d'e yeni nwan onu aka runfu a. ⁷ Ya wu, ke unu don nwan e me ohunma ime ihien ile—ke okukwe ke iku-oku ke imarin-ihien ke adudu ri mma ke ihien-osusuọ hun ri egbata enyi le unu, erira ke enyi chozi ni unu me ohunma ebe orun-eyemekani ri.

⁸ Ele ni m ri e ye iwu, kama, m choko ni m ghosi unu adudu ndi ozo nwon, gi e chopuha ke ihien-osusuọ unu nwe wu ezigbo e. ⁹ Makeni, unu a maringho ke Onyenwonni-enyi wu Jesu Kristi mehan efoma: ni, k'o mele odafin ru, o gi ufiri unu henrin ogbenye ken unu gha ogbenye o dan wuru idafin.

¹⁰ Ndunmodun m ime ihienni wu onwan: o furu ni unu runchanrin nwan orun-eyemekani unu bidon akan-ahun. Unu bu uzọ runma a; elede ohun suo, unu k'o bude uzọ duma ni unu me e. ¹¹ O ruguo ni: runchanrin n'a nwan; gi ni nwan ihien unu nwon runchanrin a k'o don du unu ni unu run a isi-ibuzo hu. ¹² Makeni, omeni ihian wepuha obi e ile ye ihien, ihien o nwe ke wẹ e lee enya a narin a ya, ele ihien o nwonleni.

¹³ Ele ni m cho n'ọ ri ni ndi ozo nfe, o wuru ni unu ibu. Kama, n'ọ wuru ahanmahan: ¹⁴ hunni unu nwon nwan oda bu mkpa gi wẹ nwen, nke unu a ban ni wẹ; o ruzi, oda wẹ nwon e wehe ni onu ihien ri onu mkpa—o wuru ahanmahan. ¹⁵ Erira ke wẹ de e ime Ehuhuo-nso, ni

“Nke onyẹ hụn kponrin ọda
ehikeni;
nke onyẹ hụn kponrin ẹkẹrẹ
emekeni ẹkẹrẹ.”

Taitosi Lẹ Ndi Hụn Ya lẹ Wẹ Wị

¹⁶ Ekele ya rinị Osolobue hụn bu adudu ohu hụ m nwe make orinimma onu che obi Taitosi. ¹⁷ Eledẹ n'o kweri aririọ enyi riọ a suo, kani, ebe o me ni kiken ni k'o k'a du, o k'e gi uche e bia d'a hụn unu. ¹⁸ Enyi zila 'ya lẹ nwenen- enyi hụ ndi ile kwerini marin ohunma-ohunma makeni o zisonme ozioma. ¹⁹ Eledẹ ni ndi ile kwerini marin nwenen enyi hụ suo, kani uka ile kwerigbamade, tume e n'o son enyi, enyi gha e jensonme a run orun-eyemekan enyi gi e ye Di-nwonn enyi lẹ enwen e ogho, a ghosizi ni enyi cho n'o rinị umune enyi mma.

²⁰ Enyi bu obi ni ihian ahunko ihien w'e gi koriani enyi make oiyeni hi-ogbe enyi ri a na, ²¹ makeni, o rika enyi mkpa ni enyi run a hụn ri mma, ele enya Di-nwonn enyi suo, kani enya ndi ozozu.

²² Enyi zilazi nwenen enyi ozozu cheni we, nwenen enyi hụn enyi lelegu mgbe ole-le-ole hụn a ni o nwongho adudu ihien bu oda—kiken ni k'o kazi adudu hụ e nwon kari mbu, makeni obi rukem e ali ebe unu ri.

²³ O me nke Taitosi, onye mme le iya a wi le onye mme le 'ya gba a run orun enyi gi e yeni unu eka ro; nke umune enyi ndi ozozu hụ 'ya lẹ uwe wi, we wu ndi-ozu pu-ichen ri a nokin enya uka ichen-ichen, e weheni Kraisti ogho. ²⁴ Ya wu, gi ni nwan oghereni ghosi ndini we ni unu nwe ihien- osusuo we, keni ndi uka ile hụn uzozu gi e don, a hụn we ihien enyi gi e gi unu a nyan isi.

Isi Nke Itenei

Thien We Tunị Ndi Uka Ri Jerusalem

¹ O rikani mkpa ni m de ni unu ihien owule banyeni ihien we ri a tuni ndi kwerini ri Jerusalem. ² Makeni, a maringho m ni ihienni hu a du unu. Adudu unu hain m gi gi unu nyan isi ebe ndi Masedonia ri, si we ni ndi ri Akaya a kwademele kete akan-ahun; adudu onu a kpasuguo ndi bu oda ime we. ³ Kani m zila ni unu umune-enyi ndini, amamgbe isi enyi gi unu a nyan a wuru ihien-mmaka ogenni. Kama, m cho ni unu kwademe, e che—ke m don gwa we ni unu k'e me; ⁴ omeni unu akwademeni, ndi Masedonia sonhen m hun a ni unu eke kwademe, ifenren e megbu enyi ime ihienni—o ri wuzi unu le enwen unu. ⁵ Ya hain o gi ri m mkpa ni m zi umune enyi ndi hu, ni we bu uzo biaguu d'e kunrun onu d'a kwademechanrin ihien ile gbashari oiyeni hi-ogbe onu kwe nkwa a, m kebe bia; keni o hun uzo wuru oyiye unu wepuha obi unu ye, eleni we waye unu ya olu.

⁶ Ihien rin'a wu hunni: onye hun kunleni oda jenko d'a ghorị hun buleni oda; onye hun kun oda jenko d'a ghorizikwo hun bu oda. ⁷ Onye-onye ya ye ihien owule ri a obi, y'e meyele e elele; y'e yele noke si we wa a ye e olu—makeni onye a shiapu efọ e ye ke ihien e a suo Osolobue. ⁸ Osolobue k'a saeka yesonme unu ihien ile ri mma, ye unu ya oda-oda, keni unu hun uzo e nwechanrin ihien ile ri unu mkpa, hunzi uzo e ye oda ogen owule orun ri mma gi fuha. ⁹ Erira ke Ehuho-nsọ don ku e, si,

“O buoyesonme ndi-igbennyehien

oda-oda;

o k'e mesonme ihien Chuku cho

jenrin ejen.”

¹⁰ Osolobue, hụn e ye ihian mkpuru o k'a kunye le ihien-oriri o k'e ri, k'e ye unu mkpuru unu jenko d'a kun; o k'e me e sue, me e mi mkpuru oda-oda; o k'e me onu ghori mkpuru hun wu ime ihien Chuku cho, ghori a oda-oda.

¹¹ O k'e me onu wuru ndi-idafin uzo ile, keni onu hun uzo a hakenme aka. Enyi nwen k'e me e ru ndi bu oda aka. Erira ke iha-ekani k'a don weheni Osolobue ekele.

¹² Makeni, ihienni unu ri e wepuha obi unu e me siko d'e ye ndi nke Osolobue ihien ri we mkpa; kani ele ohun suo, o k'e mezikwo ndi bu oda e kelesonme Osolobue. ¹³ Unu k'e gi orun-eyemekani weheni Osolobue ogho, makeni o k'a ghosi ndi bu oda, hun k'e ri erere e, ni unu hu a gbaye ozioma Kraisti ahun unu kwere nke-esi, ni ya hain unu gi ye we le ndi ozo oda. ¹⁴ Ihien unu k'a suokenme we; we k'a gha e me ni unu ekpere make efoma Osolobue me ni unu ebe o no me unu sa aka meni we ihienni.

¹⁵ Ekele ya rini Osolobue make oyiye e hun onu ghaleni a saaka a kowa!

Isi Nke Iri

Polu A Kowa Orun A

¹ Mme wu Polu ri a riu unu; m ri e gi nwayo, e gize aka-alulu Kraisti, a riu unu. Mme hun we si ni m'e welua enwen m ali omeni mme le unu nodi elee-m, elee-i, kani m ghahu ebe onu ri pu, a ganma m onu, kushime iken!

² M ri a riu unu, anikwole n'a wuru ni, m bia, a gwapu m ndi hu ri e ro ni enyi ri e bi ke ndi-owa oku, a hun w'a ni egun ari m enya. ³ Makeni, osuon'a ni enyi bi ime uwa rike ihian, enyi ara lu agha ke ndi-owa don a lu. ⁴ Makeni, ihien-ogun enyi ele nke ndi-owa, kama, ihien-ogun enyi nwonsomme iken Osolobue, hun we gi e tikposomme ebe zeni le ihien ndi hu zeni. Enyi e tikposomme atumiroro-le-ndondo ⁵ le ihien owule hun e bushi enwen e elu, hun e

gbondon ihian amarinle Osolobue; enyi a nwundon iroro owule, me e n'o humeni Kraisti isi. ⁶ Enyi a kwademeguon hun enyi e gi gi afunfun son nnupu-isi owule, omeni onu nwen e humechanrin isi uzo ile.

⁷ E leban ni ihien enya ohunma: omeni o weguo unu enya ohunma-ohunma ni unu wu nke Kraisti, nyanhankwo ni ni ke unu don wu nke Kraisti ke enyi donzi wu nke e. ⁸ Di-nwonni-enyi ye m iken m'e gi du unu: iken m'e gi me unu sue ime okukwe—ele idotu unu. Ya wu, o suo n'a ni m'e gikezi iken ahun a nyan isi, ohun emeko m ifenren. ⁹ Achoni m n'o no ke si m gi ehuhuo-ozu m e ron unu egun. ¹⁰ Makeni, o nwe ndi a si, “Ehuhuo-ozu Polu e ze eze, ele we ihien we gi e gu egu; kani, i hun ya le enwen e k'o no, o zeni, o nwonden ihien we gi oku-onu a e me!” ¹¹ Ndi ri e ku enina we marinkwo ni ihien ohu hu enyi ri e de ebe enyi ri uzo ozo ke enyi jenkwo d'e me enyi bia ebegu.

¹² Enyi esonkokwo ndi ahun ri a ja enwen we mma masue. Makeni, we gha e gi ibe we e lele enwen we, e gi ibe we a ma enwen we, we ri a ghosi ni aghotani we. ¹³ Kani o me nke enyi le enwen enyi, enyi a nyanghafeko isi oken. Ihien ri ogbo Osolobue keye enyi run ime orun izi-ozoma suo ke enyi k'e gi nyan isi. Ogbo hu rude ebe unu ri. ¹⁴ Ya wu ni enyi arunghafeni ogbo enyi ogen enyi gi weheni unu ozoma—hun o me ni enyi wu ndi ibuzo bia ebegu teni unu ri d'e zi unu ya wu ozoma Kraisti. ¹⁵ Enyi ari a nyanghafa isi oken—ya wu enyi ara gi orun ndi ozo run a nyan isi. Olil'anya enyi wu ni okukwe unu k'a gha e suewaye, keni enyi hun uzo e nwonwaye oghere enyi e gi run orun ime igunrun unu; ¹⁶ enyi a hun uzo gha ali unu si ali ndi ozo d'e zi ozoma. Ogen hu, oku igi orun ndi ozo a nyan isi arikozi.

¹⁷ Ehuhuo-nsos, “Onye k'a nyan isi

ya gi ihien Di-nwonnini-enyi me nyan isi.”

¹⁸ Makeni, ele onye hun a ja enwen e mma ke we e ku oku e ohunma, kani onye hun Osolobue ja mma.

Isi Nke Mmanai

Polu Le Ndi-ozu pu-ichen Ntu

¹ K'ọ ri m unu e din m ni m zuzu ekerere. Dodo ni, nwon ni ni m ndidi! ² Enya ri a fu m make onodi unu, udi enya-ufu hun gha aka Osolobue bia. Unu wu nwa-agbo m kwe okennyehihu soro nkwa ni m jenkọ d'a luye e ya. Okennyehihu ahun wu Kraisti. M kwe nkwa ni m jenkọ d'e we onu ye e ebe onu kelani marin okennyehihu. ³ Kani, egun ri a tu m ni we jenkọ d'e dufie onu, nọke ke Ekwensu don gi ero dufie Ivu, me unu e fezile Kraisti ofufe ezioku le hun rulen: ⁴ makeni unu a nabanhankazi onye owule bia d'e zime unu ozi Jesu ozọ hun wulen ni hun enyi zi unu ozi e; ara fu unu orun inabanhan mmọn ozọ mọbu ozioma ozọ hun wulen ni hun unu gha aka enyi nwehen. ⁵ Kani, o weni m enya n'ọ nwegho ke ndini unu a kpo “okẹn ndi-ozu pu-ichen” don ka m. ⁶ Ikenkwọ a ma m ku oku; kani, a maringho m ihien —enyi e giguọ ọzọ ile ghosi unu onwan ime onodi ile.

⁷ M me njo m gi welua enwen m ali zi unu ozioma Osolobue ofe, keni Osolobue gi e busi unu elu? ⁸ Ogen m gi ri a runni unu orun, uka ndi-ozọ ye m ihien, a narin m we bu ele we ke m gi e a runni, o no ke si m ri e zunarın we ihien we—keni m hun ọzọ runni unu. ⁹ Ke m ri ime igunrun unu, ogen ihien gi ri a fu m orun, ebuyeni m onye owule ibu, makeni umune enyi gha Masedonia bia weheni m ihien ile ri m mkpa. Ya wu, mme si n'a wuko m ibu ebe unu ri. Erira k'ọ jenkọ d'a risomme: awuko ni m unu ibu. Kaka! ¹⁰ Makeni ezioku Kraisti ri ime m, m ri e ku e n'ọ nwonni ihien jenkọ d'a saeka napu m ihien ni m gi a nyan isi ime Azun Akaya ile! ¹¹ Ki hai nwan? Makeni enwe m

ihien-osisuo unu? Mba. Osolobue a maringho ni m nwe ihien-osisuo unu!

¹² M jenkọ d'e mesonme ihienni m ri e me, amangbe ndi hu ri a nyan isi ni we wu ndi-ozu pu-ichen a hun oghere hu we choko hun ihian e gi si ni enyi le we wu ohu. ¹³ Ndin ele ndi-ozu pu-ichen nke-esi; ndi-ndufie ke we wu. We ri a za ndi-ozu pu-ichen Kraisti e gi e e kpume ihun. ¹⁴ Onwan ele ihien a tu enya! Makeni, ke Ekwensu le enwen e e mede ke si o wu mmon-ozu ukpe! ¹⁵ Ya wu ni ele ihien a tu enya omeni ndi-orun a hu e me ke si we wu ndi a run ihien ri mma. We jenkọ d'a narin ugwo-orun furu ihien we ri e me.

Afunfun Polu Ta Makeni O Wu Onye-ozu Pu-ichen

¹⁶ Ni m kuzi e, erokwole ni ni m wu onye-nzuzu! Kani, omeni iya ke unu ri e ro, weri ni m nwan rike onye-nzuzu, keni m hun uzọ nyan isi ekere.

¹⁷ Ele Di-nwonni-enyi si m ku ihienni m cho ni m gi nyan isi—kani, m ri e kuhu rike onye-nzuzu. ¹⁸ Ebe o me ni ndi bu oda hu e gi ihien ihian-mmaka a nyan isi, mme nwen jenkọ d'e mezikwo erira. ¹⁹ Unu le enwen unu a marinka ihien! Iye ndi-nzuzu efe, a nabanhan we, a suoka unu. ²⁰ Unu a nabanhanka onye owule hun e me unu ke igbon, mobu hun e rigbu unu mobu hun a tunarin unu ihien onu mobu hun e me ke si o rika mkpa mobu hun a made unu ora! ²¹ Osuon'a ni ifenren m ro, ni m ku e: obi enyi ezeruni erira.

Kani, ihien owule we nwe egun ni we gi nyan isi, egun k'a nizikwo m gi ihien ahun nyan isi; (m ri e ku ke onye nzuzu.) ²² We wu ndi Hibru? Ya ke mme nwen wuzi. We wu ndi Izrele? Ya ke mme nwen wuzi. We wu umu Ebrahim? Ya ke mme nwen wuzi. ²³ We wu ndi-orun Kraisti? M ri e ku rike onye isi zulen oke: mme ka we onye-orun Kraisti a wu, mme ka orun a run, mme ka ngan

e jẹn, mme ke we ka mkpínsin a fian—mgbe ole-lẹ-ole ke we fianpu m mkpínsin. Onwun a kposonmezi m ihun. ²⁴ Mgbe isen ke ndi Ju fianpu m ube-mkpínsin ohu-ari-a-ogunnai we ahun.

²⁵ Mgbe eto ke ndi Rom fianfu m mkpínsin. A maguwo we m omuma mgbe ohu. Mgbe eto ke ugbo-mirin m ri ime e tikpopy. A nogho m elu mirin uhuhohin ohu gbe-gbe-gbe—uhinhin le efinnai, ibe osisi suo ke m hun kwondon aka elu mirin ahun. ²⁶ M'a risonme uzo-ijen; eje-ihien a kposonme m ihun elu-iyi; ohin a kposonme m ihun; eje-ihien ndi ali m k'e me m a kposonme m ihun; eje-ihien ndi ali ndi ozo k'e me m a kposonme m ihun; eje-ihien a kposonme m ihun ime obodo—ihian jun, a kposonmezi m ihun ime atu—ihian rileni; eje-ihien a kposonme m ihun elu-ohimin; nsongbu ndi kpo enwen we ndi kwerini bu ekwerini we a kposonme m ihun. ²⁷ M'a rungbu enwen m; m'a ta afunfun; m'e chusonme-uran; m'e busonme egun ihien-oriri le ihien-orira; ihien-oriri a kposonme m; m'a risonme onodi oyi gi a tu m; ekwa a kposonme m. ²⁸ Wezukade ihien ndi ozo ile, uhuhohin ile ke m gi e bu ibu iroro orinimma uka ile. ²⁹ Onye ke ndun guu, hun ndun ogugu a guleni mme nwen ndun? Onye ke we me dan ime okukwe, o noleni fukenme m?

³⁰ Omeni m k'a nyanriri isi, ihien ndi hun a ghosi ni ndun ari m ke m'e gi nyan isi. ³¹ Osolobue a maringho ni ele m ri a tu ntu—Osolobue, hun wu Osolobue le Nedi Di-nwonni-enyi wu Jesu—ojja-mma ya rin'a jenin ejen! ³² Ime obodo Damas'kosi, Govano ki okpuru eze Aratasi buto ndi-nche onu-mgbon obodo hu, keni o nwundon m, ³³ kani we no gi ukpali gha oghere ri mgbon hu wetu m, m no wanahin a.

Isi Nke Mmẹbuo

Ihiẹn Osolobue Ghosisonme Polu

¹ O ri mkpa ni m nyansonme isini—osun'a ni o nweni erere o ban. Ni m ku nwan oku ohun le ihiẹn ndi hun Di-nwonni-enyi ghosi m.

² A maringho m onye nke Kraisti ohu, hun we weri shi elu-igwee nke eto ahua mmenoghani—ke ime-ehu k'o me k'o gha ime ehụ pu, a marin m; Osolobue ya marin. ³ A maringhozi m ni we weri onyeni—amarin m k'o ri ime ehụ ra o gha ime ehụ pu, Osolobue ya marin— ⁴ w'e shi ali Izu-iken wu Paradaisi, o no nu ihiẹn ndi we ghaleni a gwa ihian, ihiẹn ndi we ghaleni a ni ihian e ku.

⁵ M k'e gi nwan onye no enina nyan isi, egiko m mme le enwen m nyan isi; ihiẹn ndi hun a ghosi ni ndun ari m suo ke m'e gi nyan isi. ⁶ Kani, o mede ni m cho ni m nyan isi, ele ya wu ni m wu onye-nzuzu, makeni ihiẹn m k'e ku wu ezioku. Kani, emeko m'a, make ihian gha e ro ni m wu ihiẹn owule kari ihiẹn we hun m me le hun we nu m ku— ⁷ makeni ihiẹn ndini m hun a puka ichen. Kani, igi gbondon m amangbe m'e gi ifiri ihiẹn ndini pu-ichen m hun pacheme, Osolobue no bu nsongbu che m ehụ—rike ebe we no kpo ogun ye ihian ehụ. Nsongbuni wu onye-ozu Ekwensu. We we e che m ehụ n'o hun uzọ a lu m, amangbe m'a pacheme. ⁸ Mgbe eto ke m rio Di-nwonni-enyi banyeni ihienni, n'o me e hapu m. ⁹ Kani Di-nwonni-enyi no si m, “Mba; eyemeka m e higu o i, makeni ebe ndun noleni ri ihian ke icken m no a puhachanrin ifon.” Ya wu, m gi nwan ighoghọ a nyan isi ni ndun ari m, keni icken Kraisti hun uzọ risonme ime m. ¹⁰ Ya wu, make ufiri Kraisti, o hugho m mma ni ndun ari m; ni w'a kpari m, ni m'a ta afunfun, ni we e kpokpo m le ni odakin ri ichen-ichen a

bjani m. Makeni, oge ọwụle ndun gileni ri m ya ke m gi e kenren.

Orinimma Ndi Kọrẹnti Ri Polu Obi

¹¹ E meguo m ke onye-nzuzu! Unu hain m gi me e! Unu te furu hun e kuni m ohunma—makeni o nwonni ke ndini unu ri a kpo oken ndi-ozu pu-ichen don ka m mkpa a ri, osun'a ni o nwonni ihien m wu.

¹² Oge m gi ri ime igunrun onu, m tu-udon runcharin ihien bu oda we gi a marin ezigbo onye-ozu pu-ichen: ke ihien-ahima ke ihien a tu enya ke ihien a ghosi iken Osolobue. ¹³ Ki we me ni uka ndi-ozo hun we meleni ni onu, wezuka ni ebuyeni m unu ibu iye m ihien m'e gi bi? Dodo ni, gbaghari ni m njo m me hun m gileni buye unu ibuni!

¹⁴ Lee n'e, a kwademeguo m nwan ni m lala d'a hun unu nke mgbe eto. M bia, anako m unu ihien owule, emeko m ibu. Makeni, unu ke m cho, ele ihien unu. Eghet, makeni ele umu a kpatoni ndi mu ni we ihien, ndi munu we nwe a kpatoni we. ¹⁵ O k'a suogbude m igi ihien ile m nwon yeni unu aka—gizide ndun m. O me nwan ni m ri a nwewaye ihien-osusuo unu, unu k'e belua nwan ihien-osusuo unu nwe ebe m ri?

¹⁶ Unu nwe iken si, “Osun'a ni ezie ro ni y'e buyeni enyi ibu, y'e megho enyi ero, dufie enyi, teri enyi.” ¹⁷ Nani ke m don me e? M gide nwan ndi m ziheni unu tunarin onu ihien onu ra? ¹⁸ Mmẹ riọ Taistosị n'ọ bia d'a hun unu; m nọ zizikwo nwere-enyi hun-ebọ hu chen'e. Taistosị a tunarinni unu ihien unu. Ra o tunarinde unu atunarin? Ele agungun ohu hu ke enyi gun? Ele usonron ohu ke enyi gi run?

¹⁹ Unu rida e ro ni enyi gi ihienni ile enyi ri e ku e kinrin onu enyi ebe unu ri ra? Mba. Enyi ri e ku nọke ndi ri ime Kraisti; enyi ri e ku rike ndi ri id'enya Osolobue. Ndi ri m

obi, ẹn̄yi r̄i e m̄e ih̄ien ile ẹn̄yi r̄i e m̄e n̄i ẹn̄yi gi ẹ yeni ụnu ẹka sue ime okukwe.

²⁰ Egun r̄i a tu m n̄i ik̄enkwo, m b̄ia, ah̄unko m unu ke m don cho, unu nwen ahunko m ke unu don cho; egun r̄i a tu m n̄i, ik̄enkwo, ikpe le ẹn̄ya-ufu le eje-olulu jenk̄o d'a r̄i; n̄i ndi hu ime unu k'a choma nke-we, nke-we; n̄i nkuto, oku-azuun, mpache le isusu jenk̄o d'a r̄i. ²¹ Egun r̄i a tu m, n̄i, ik̄enkwo Osolobue m e welua m ali ebe unu r̄i—ogon m'e gi b̄iazi, ik̄enkwo a kwanma m ekwan make ndi bu oda me njo mbu, hun keleni gbehuto obi we banyeni ihien ndi hu ru unyin we me le ughere le ihien-ifenren ile we mesonme.

Isi Nke Mmẹto

Mkp̄insin-eka Le Ekele Ikpazuun

¹ Onwan k'e me ẹ mgbe eto m lala d'a hun unu: “Osheri madu ebuo m̄obu eto ke we siko d'e gi gi ikpe owule don.” ² A gbago m ndi hu me njo mbu le ndi ozo hoduni mkp̄insin-eka—ke m b̄ia hun me ẹ mgbe ebuo; m rizi nwan a gba we ya hunni m rileni ebegu, ni, m b̄ia, egiko m eka alulua son onye owule— ³ ebe o me ni unu cho ni m ghosi onu ni Kraisti ri ime m e ku nke-esi. Kraisti a ra gi eka-alulua e son onu—mba! O gi iken e me ihien ime onu. ⁴ Oson'a ni we kpogbu ẹ elu-obe noke onye nwonleni iken, o huzi nwan ndun ghahani iken Osolobue. Ime ẹ, ẹn̄yi nwen nke rizikwo ke ndi nwonleni iken; kani, o me nke eka ẹn̄yi k'e gi son unu, ẹn̄yi k'e son ẹ gi iken Osolobue bi, gi iken Osolobue hu son unu.

⁵ Lekpo ni enwen unu, ni unu marin ke unu hu ime okukwe. Lele ni enwen unu. Unu amarin ni Jizos' Kraisti ri ime unu? Unu a maringho nu—sunpan ni unu a danguo nlele hu.

2 Ndi Kọrẹnti Isi Nke Mmẹto:6252 Ndi Kọrẹnti Isi Nke Mmẹto:13

⁶ M nwọn olil'anya ni unu k'a hun a ni enyi nwen adanni nlele hu. ⁷ Kani, enyi hu e me ekpere a rijo Osolobue, amangbe unu e me ihien owule rileni mma—ele kenı we si ni enyi puha ohunma, ni enyi a runka orun ime igunrun unu, kama, kenı onu mehu ihien ri mma—osun'a ni enyi no ke ndi dan nlele hu. ⁸ Makeni, enyi a saeka me ihien owule e gbondon ezioku, kama, ihien a kwadon ezioku suo ke enyi e me.

⁹ Enyi a ghoghọ aghoghọ omeni enyi ezeni bu onu e zegho. Ekpere enyi wu ni unu zuchanrin oke. ¹⁰ Ya hain m gi deni unu ihien ndini ogenni m keleni bia ebahun unu ri, amangbe m'a bia, e gi m iken hu Di-nwonna-enyi ye m gi du unu gi aka-iken son unu—iken hun o ye m gi me unu sue, ele hun m'e gi tikpo unu.

¹¹ Nke ikpazuun, umune m, ghoghoma ni; [nodi ni ohunma!] Bihuto ni aka; a gba ni ibe unu me; e nwon ni obi ohu; e gi ni udon e bi. Unu me enina, Osolobue hun udon le ihien-osusuo gha aka a bia k'a noyeni onu.

¹² Dide ni ibe onu odide ri nsọ. Ndi nke Osolobue ile e zi ekele unu.

¹³ Efoma Di-nwonna-enyi wu Jesu Kristi le ihien-osusuo Osolobue le mmeko ri ime Mmon-nsọ ya noyeni onu ile.

Elu Ọhụn: Èkùkwọ-Nsọ (Azụun Ọhụn rịn'a)
Revision of New Testament in Ika

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 19 Oct 2021 from source files dated 19 Oct 2021

31b0248e-272a-5dee-8226-bcc00c54d9b1